

蘭谿縣志補遺

橋渡

保安橋 在二都六畝乾隆四十五年葉化

靈源渡 在橫山港雍正五年西南兩鄉士民因廣濟官渡

造之資邑令 佟勒有碑記

優老

乾隆五十五年撫憲福咨送進京 祝嘏

欽賜與宴賞給銀牌者三人

鄭斌 嚴兆熊 張思仁

古蹟

蘭谿縣志

卷末

橋渡

優老

古蹟

崇文閣

在大雲山麓鄭氏公建內奉文昌帝君為合族會文之所

達觀樓

在驥溪趙志昇嘗登此玩月為書其扁曰達觀

西園

在高隆莊乾隆辛未歲歉百工俱廢諸葛履法以工代賑之意因建是園族姪湘為賦其事歲丁亥撫憲

熊閱視壽城駐節於斯特首滋樹以頌其正室

藝

靜壽菴記畧

元柳貫

方君麟卿將老拳拳樂邱之思以為生必有死死必有藏斂手足形而還葬之雖百歲之日不能免焉亦會有悼亡之戚迺卜其居東源西塘惟食坎深以為壽藏闢險以為菴廬將俾浮屠人居之其制供佛有筵奉先有祀登眺有

閣燕休有寢堂庭門序庖圍層廩班列後先青峯碧嶂白沙翠竹蔭映左右大底金華之支南起北赴而與澗谷之經流一滙而止者若專專妙勝於斯矣他日麟卿幸鳩僦之告功喜菟裘之卽敘不鄙過予而問名焉予曰名而不處於實猶無名也麟卿靜者也厭紛華樂恬澹經邱尋壑宅是藹深將以肆蕭閑於泉石寄楞散於烟霞原心揆德正名定論使溪蟠林壑受之而無愧詞可少誣哉予觀麟卿內焉之所存亦旣知夫賓主之分而無將迎之煩矣則持是而安居以至於久雖復追園綺以同倫與松喬以儷迹論者不過曰此靜者之用仁者之効焉耳其又何誣請

蘭谿縣志

卷末

藝文

二

名其菴靜壽其堂觀復而告之曰復以表其微壽以著其應麟卿其擇之麟卿謝曰吾嘗習於靜矣壽則吾曷敢知抑觀於吾生而惟復之從吾將勉焉然猶懼來者之謂吾夸也願子卽書而併記之一以祛來者之惑一以示吾子若孫焉予曰諾麟卿名徐孫年六十有二世家蘭臯東北雙溪上因以雙溪自命

鄉閭卷資義產碑記

國朝知縣

張許

國家樂育人材體恤寒峻廩生有膳貧士有糧三載賓興與夫禮闈北上又各給以路費義至周恩至渥也生其間者無不人知重士士亦何幸逢此

雅化作人之盛與此意也吾於蘭人士見之已未冬吳生
永慶偕其弟永昭永春謁余而言曰自慶弟永立入
邑庠慶父望吾弟之成立也願捐白金二千兩爲我
公振興學校之助苟可以嘉惠士林者惟命是聽予
曰諾雖然豈易言哉昔夫子語顏淵曰使爾多財吾
爲爾宰斯言也非多財之難而善用其財之難吳生
爲燕翼之謀不遺以積金而貽以積德可謂能善用
其財矣而不爲之布惠澤計長遠豈非爲之宰者之
咎與爰集邑紳士於明倫堂酬以三爵語之故且謀
所以善其用者言未既有執爵而起者曰善哉先民

有言詢於芻蕘其我公之謂乎某不敏請借前箸爲
公籌之自公蒞吾邑六載於茲廢者興墜者舉亦幾
無遺憾矣且以此金供土木之用非所以布惠澤以
此金供時日之用又非所以計長遠也無已則請置
負郭田以其所入供合邑士子秋闈卷費其可乎予
曰善乃如其議置田九十餘畝名其田爲鄉試卷資
義產列入學校戶公舉一人鈎較之除納貢賦外歲
可積百餘金每屆秋闈按人之多寡酌數之重輕吾
蘭人士素多嚮義經理斯事自必各殫厥心克歸實
用以無負此義舉也而尤願後之善用其財者踵而

行之將施及公車施及郡試其推廣曷可旣極哉事
旣定遂具牘申請臺憲立案并酌立規條以垂永久
一吳生名珠江及其子永慶永昭永春皆太學生司其
事者邑人諸葛瑯唐維新皆附貢生例得附書其田
畝段號等因泐之碑陰故不備書云

義產規條開列於後
一義產凡田九十四畝一分零歲計額租一百六十四
石七斗司事者收貯公所按時值變價以備支銷除
納正賦及收租雜費運錢至省水脚外餘者悉供卷
資之用

一每屆鄉闈司事者於賓興之前通核三歲所積實得
錢若干千文什取其一爲學師送試之費并胥斗糶
資以其九按照赴試人數權其輕重毋得不周不均
一赴試諸生無分府學縣學一體領取卷資則送試學
師亦不能岐視大約應試者縣學居十之八府學居
十之二今酌定送試之費以其二歸郡師以其八歸
邑師雖爲數無多庶不失尊師禮意云

一通計三歲所積原指正科而言中間若遇

恩科則以其半供

恩科之用以其半供正科之用

一諸生散處四鄉勢難分給酌定七月下旬司事者運送錢文至省交本邑學師會同府縣學前列諸生各一名按照入闈人數分派聽其自行支領

嘉慶五年正月記

葉處士誌銘

宋呂祖謙

始予道蘭谿葉君介其子來見視其貌恢然長者也進之語質樸少雕琢意雖浮湛里閭而協族輯鄰若嘗知書者家故窘縮衣嗇食資其子學甫收一科以養而君不能待也君字子益上世壽昌人移其版於婺之蘭者四傳矣曾祖昌世祖逢考固娶胡氏男一誕也實從予遊今爲左廼蘭谿縣志

卷末 藝文

五

功郎新臨江軍清江縣之主簿爲之銘曰置也饁之簋也奪之罔極之酬匪爵是靡○呂祖儉銘其妻胡氏墓云欲知其母儀視諸家庭之有常欲知其婦道視諸春秋之致享欲知其德之識視諸屬纊之遺言作爲斯銘藏諸幽堂匪求人知子子孫孫來拜墓者尙克承之

黃傳贊

明鄭 權

嗚呼夢弼間世之英皎皎玉樹貌奇面清氣豪不放棄學博能精志剛而大行方而成心胷開豁貧富不足縈其慮眼界分明邪正不能遁其情文章之技迨將騁飛黃於班馬而義理之學尋流求源亦欲上泝乎朱程惜乎壽年不永

竟不遂其平生

贈吳病鶴

方堯治

孺子耽孤癖無衣重可嗟故鄉人盡別吳地客為家辛苦
行依杖清談坐品茶最憐江上月隨爾泛仙槎

遺事

簪花軼事

鄧珉由鄉舉入監值迎春會例許監生簪花衆
皆長縮珉直前為成祖簪之上注曰以卿浙人
士自稱御史命巡按兩浙珉辭上曰以卿浙人
知浙中利病特命卿耳仍命御史一員協處

楓山高致

章懋年十五遊邑庠族故有秀才田一生則獨
收租加生則均租而堂伯以老生久擅其利勿
肯分也家長訟之官官試二生以蠪蚌相持論懋早完
以其稿送伯再起草令已偵知之促交卷伯完而懋方
屬稿詰之徐對曰年幼故遲令喜謂之曰知子無爭志
田斷歸乃伯懋唯唯惟命後歷通顯三子令業農縣令

蘭谿縣志

卷末

遺事

六

過其家釋未晚迎不知其貴公子也子徒步省父於南
雍在道為巡檢所笞已知而請罪慰遣之而已晚年三
子一孫盡卒年八十二生少子接金華知府王九峯奏
其遺孤貧困詔給月廩養之比長凌瀚携至京請於朝
得以廕入官

義行可風

登勝莊太學生徐世南祖士智父時椿兄弟尚
義今世南兄弟十人仰承先志子姪諸孫及婦
女凡七十餘人同居合爨事無鉅細必稟命家長無敢
專行子弟無惰游閨門無詬諍宗族鄉黨無爭訟穀貴
輒減價糶米以濟鄉族先是時椿懋遷姑蘇凡梓里公
車計借悉厚禮之今數十年猶奉行如故此皆時椿善
開其先世南善繼其後而亦太學生世珍世琪兄弟子
姪輩之克守家風也正志既成採訪得此因附入補遺
并給義以為質匾額為邑人勸且為徐
氏後人勗焉嘉慶五年三月張許記

